

Mosanong sa Pagtawag sa Dios nga Mahimong Iya-sa-Dispensasyong Instrumento Niya, Mga Mananaog Niya, nga Mousab sa Panahon

Basahong Kasulatan: Dan. 1:4-9; 2:17-19; 4:25-26, 32; 6:10-11; 9:1-4, 23; 10:11, 19; 11:32; 12:3

I. Matag panahon nga gustong mohimo ang Dios og iya-sa-dispensasyong lihok, lihok nga makausab-sa-panahon, kinahanglan makabaton Siyag iya-sa-dispensasyong instrumento; mga tawo gyod unta ta nga dunay iya-sa-dispensasyong bili alang sa Dios—Bug. 12:5-11; 1:20; Dan. 12:3; Mat. 13:43:

- A. Hunahunaon gyod nato unsay gibuhat nato aron mapadangat ang sunod nga panahon; espesyal kining panahona, busa gikinahanglan ang espesyal nga mga Cristohanon nga mobuhat og espesyal nga buhat—16:18; Bug. 19:7; 1 Cor. 1:9; Bug. 2:4-7; Col. 1:18; Juan 17:21; 1 Cor. 14:4; Efe. 4:16; Col. 2:19.
- B. Makita ang prinsipyo sa pahiuili sa Ginoo diha ni Daniel (“Ang Dios akong maghuhukom”), ni Ananias (“Puno-sa-grasyang nihatang si Jah,” o “gikahimut-an ni Jah”), ni Mishael (“Kinsa man ang Dios mao?”), ug ni Azarias (“Nitabang si Jah”); bug-os gyong nausa sa Dios “si Daniel ug ang iyang mga kauban” sa pagdaog nila batok sa mga laraw ni Satanas; mga tawo sila nga nag-usab sa panahon sa pagkabihag sa katawhan sa Dios ngadto sa panahon sa pagpamauli nila sa yuta ni Immanuel aron magtukod sa balay sa Dios ug sa syudad sa Dios aron mapadayag ug makabuot Siya—Dan. 2:13, 17; Isa. 8:8; itandi sa Bug. 17:14:
 - 1. Sa panan-aw sa Dios, ang mananaog “tawo sa pagkabilihon,” ang “pagkabilihon mismo” man ngani, tawong magamit sa Dios sa pag-usab sa panahon—1 Ped. 2:7; Dan. 9:23; 10:11, 19.
 - 2. Si Cristo nga bugtong-talagsaong Mananaog naglakip sa tanang mananaog; nagpuyo sa atong espiritu ang bugtong-talagsaong Mananaog aron himoon tang mga mananaog Niya—Juan 14:30; Dan. 2:34-35; Bug. 19:7-21; 1 Juan 5:4, 18-19; Bug. 3:21.
- C. Magpabangon gyod ang Ginoo og mga tawong mousab sa panahon aron mapahiuli ang pagpadayag ug pagbulot-an sa Dios; diha sa hulog nga katawhan nadaot na ang pagpadayag sa Dios, ug gisalikway ang Iyang pagbulot-an; gihatagan gyod ni Daniel ug sa iyang mga kauban ang Dios og higayon nga mapadayag pinaagi nila ug nagpasakop gyod sila sa Iyang pagbulot-an—Gen. 1:26; Dan. 3:14-30; 4:17, 26; Bug. 22:1-2.

II. Dunay mga kauban si Daniel ug uban nila bug-os siyang hinalad ug naginahin ngadto sa Dios gikan sa panahon nga nisunod ni Satanas—Dan. 1:4-8; 5:12, 22; 6:10:

- A. Tanang gigamit sa Dios sa pag-usab sa panahon mga Nasareo gyod—mga tawong kinabubut-ong naghalad nga bug-os ug hingpit nga gibalaan ngadto sa Dios—Num. 6:1-8, 22-27; Sal. 110:3; Luc. 9:62; Fil. 3:13-14.
- B. Bisan batan-on pa kaayo si Daniel ug ang iyang mga kauban, nibarog sila ingog kontrapanghimatuod, sama sa gibuhat ni Antipas sa iglesia sa Pergamo—Bug. 2:13.

III. Nakig-usa si Daniel sa tinguha sa Dios pinaagi sa Pulong sa Dios—Dan. 9:1-4; Deut. 17:18-20; 2 Tim. 3:16-17; Efe. 6:17-18; Sal. 119:11, 24:

- A. Dili lang tawo si Daniel nga pirmeng nagbasa sa Pulong sa Dios, kondili tawo sab nga nausa sa Pulong sa Dios:
 - 1. Sa pagkabasa ni Daniel sa basahon ni Jeremias nga gitudlo sa Dios nga mabihag ang mga Israelinhon sa kapitoan ka tuig, ug nga human sa kapitoan ka tuig

mobalik ang Dios aron panalanginan sila, nagpuasa ug nag-ampo dayon siya; sa natandog na niya ang tinguha sa Dios pinaagi sa Pulong, nakig-usa dayon siya nianang tinguhaa—Dan. 9:2-3.

2. Sa nabasa na ni Daniel ang basahon sa Levitico, dili na dayon siya makakaon sa hugawng kalan-on (Dan. 1:8-21); sa nabasa na niya ang basahon ni Jeremias, magpuasa ug mag-ampo gyod siya aron mapahiuli ang katawhan sa Dios (29:10-14).
- B. Mobasa gyod ta sa Pulong sa Dios sa espiritu ug kahimtangan sa pag-ampo ug motandog sa tinguha sa Dios pinaagi sa Iyang Pulong; makig-usa gyod dayon ta nianang tinguhaa; makaapekto gyod unta sa atong pagkinabuhi ang Biblia, ug makig-usa gyod ta sa Biblia—itandi sa Sal. 119:11, 15-16, 133, 140; 2 Cor. 6:14-18.

IV. Tawo sa pag-ampo si Daniel nga maayo kaayog espiritu, tawo nga nagkinabuhi nga nagpasakop sa pagbuot sa Dios diha sa realidad sa gingharian sa mga langit, sa pagbuot sa mga langit—Dan. 2:17-19, 28; 6:10; 9:1-4, 17; 5:12, 14; 6:3; 5:22-23; 4:25-26, 32:

- A. Ang sentro sa Daniel 6 mao ang pag-ampo sa tawo aron matuman ang pamatigayon sa Dios; ang mga pag-ampo sa tawo sama sa mga relis nga nagpasayon sa agianan aron makapadayon ang lihok sa Dios; walay laing paagi nga mahingpit ug matuman ang pamatigayon sa Dios kondili ang pag-ampo ra; kini ang sulodnong sekreto ning capituloha.
- B. Ang kinalabwang pagpadayag sa tawong nibulig sa Dios naa sa pag-ampo; gituman sa Dios ang pamatigayon Niya dinhi sa yuta pinaagi sa Iyang matinumanong mga palagianan sa pag-ampo—Mat. 26:41; Buh. 6:4; Efe. 6:17-18; Col. 4:2.
- C. Kinahanglanon gyod kaayo sa pahuli sa Ginoo ang pag-ampo; labi nga maningkamot si Satanas sa pag-ulang sa atong pag-ampo, labi gyod tang moampo—Dan. 6:10; itandi sa vv. 4-9:
1. Tawo si Daniel nga nagkinabuhi atubangan sa Dios; nisalig siya sa pag-ampo sa pagbuhat sa dili mabuhat sa tawo, ug nisalig siya sa pag-ampo sa pagsabot sa dili masabtan sa tawo—2:17-19; 9:1-4; 10:1-3, 11-13.
 2. Bug-os gyong alang sa Dios ang pag-ampo ni Daniel ug dili alang sa iyang kaugalingon; pinaagi sa pag-ampo hingpit gyod siyang nibulig sa Dios—9:2; Jer. 25:11; Dan. 9:17; 1 Hari 8:48.
 3. Kay tawo mang mainampoon si Daniel, giila siya sa Dios, angayan nga magamit Niya, ug makahimo sa pagpamulong sa misteryo sa Dios—itandi sa Buh. 6:4.
 4. Niabot sa kinahabogang punto ang pag-ampo ni Daniel; nangamuyo siya sa Dios nga mobuhat para sa Iyang Kaugalingon; niampo siya nga, “Paminawa karon, O among Dios, ang pag-ampo sa Imong sulugoon ug ang iyang mga pangaliyupo, ug pasidlaka ang Imong nawong sa Imong balaang puluy-anan nga naawaaw, tungod ug alang sa Ginoo”—Dan. 9:17.
 5. Ang tawo ra nga sama ni Daniel, nga kinasingkasing gyong nag-ampo sa Dios sa pag-ampong makausab sa panahon, ang magamit Niya sa pag-usab sa panahon.

V. Tawo si Daniel nga nisakripisyo-sa-kaugalingon nga dunay espiritu sa pagkamartir—6:10-11:

- A. Dunay tinuod nga espiritu sa pagkamartir ang mga kauban ni Daniel; nibarog sila alang sa Ginoo nga bugtong-talagsaong Dios ug batok sa pagsimbag diosdios bugti sa ilang kinabuhi, ug gitambog sa hudno nga nagdilaab sa kalayo sa sugo ni Nabu-codonosor—3:19-23.
- B. Nag-ampo si Daniel bisan nameligro ang iyang kinabuhi; tuyo sa punoang mga ministro ug mga gobernador nga patyon si Daniel, apan ang tuyo ni Satanas, nga

nagpaluyo nila, mao ang pagputol sa palagianan sa pag-ampo nga gigamit sa Dios aron motuman sa Iyang pamatigayon—6:4-24.

- C. Usa ray gikahadlok sa tanang gigamit sa Dios sa pag-usab sa panahon—kanang makapasilo sila sa Dios ug mawad-an sa Iyang presensya—3:17-18; 2 Cor. 5:9-10; itandi Sal. 51:11; Jos. 7:4.

VI. Aron mahimong mga mananaog karon nga iya-sa-dispensasyong instrumento sa Dios nga mousab sa panahon, bawion gyod nato ang panahon; niingon ang Colosas 4:5 nga, “Magbawi sa panahon,” ug niingon ang Efeso 5:16 nga, “Magbawi sa panahon”:

- A. Mahubad ang pulong *panahon* ning mga versiculoha og magbawi sa “higayon”; kintang nagkat-on nga moalagad sa Ginoo dili gyod unta mopabati sa Ulo nga dili ta makasabot sa Iyang paggiya ug walay pagbati sa Iyang pagpanguna; ipabansay gyod nato sa Ginoo ang atong espirituhang pamatyag ug espirituhang igtan-aw aron mabatyagan nato ang kahigayonan inig-abot niini ug pahimuslan gyod kini.
- B. Sa mga adlaw nga gitudlo sa Ginoo para nato, basin gahapon unta ang labing dakong adlaw sa atong kinabuhi, apan ordinaryo ra tingali tang nagkinabuhi gahapon; kini ang gipasabot sa wala nato paggamit sa higayon; wala gyoy adlaw nga walay gipahaluna ang Dios alang nato.
- C. Basin gipahunahuna ta sa Ginoo nga pangitaon ang usa ka tawong malagmit magamit kaayo sa Ginoo (itandi sa Buh. 9:10-19; 22:12-16), apan nianang adlaw wala ta moadto, kay nahadlok ta nga init ra kaayo ang panahon, ug nagtinapol kaayo ta.
- D. Usa ka adlaw niana moatubang ta sa Ginoo; basin magmahay ta sa mga butang sa atong kinabuhi nga nakatagbaw nato karon; daghang panahon nga wala ta mobuhat sa kabubut-on sa Dios ug nagbinuang; wala ta magmatinumanon sa pagkinabuhi ni Cristo, pagpatubo ni Cristo, pagpadayag ni Cristo ug pagpakaylap ni Cristo sa tanang paagi aron matukod ang Iyang Lawas—2 Cor. 5:10; Mat. 25:21-23; 25-26, 30; Col. 1:9-10; Mat. 7:26; 25:2-3, 8.
- E. Niingon ang Daniel 11:32 nga, “Mopakitag kusog ug mobuhat gyod ang katawhang nakaila sa ilang Dios”; nagpasabot kini nga mohimog bag-ong mga pagsugod o kasi-natian ang katawhan sa Dios; labi tang masayod sa kabubut-on sa Dios, labi sab natong kuptan ang kahigayonan; ang mga nakaila sa Dios dili gyod magkinabuhi segun sa naandan adlaw-adlaw—itandi sa Deut. 4:25 ug nota.
- F. “Nakita nato nga gipanalanginan gyod sa Dios ang buhat ni Brother Witness. Ang labing maayong kinaiya niya kana mang dili niya palabyon ang higayon. Dili ka makakita niya nga nipalabay og higayon. Naay higayon ngani, pahimuslan gyod niya kini”—pamulong ni Brother Watchman Nee sa Hulyo 19, 1950 (*The Collected Works of Watchman Nee*, vol. 55, p. 199).
- G. Kon uyon sa kabubut-on sa Dios ang atong pag-alagad, samag daghang adlaw ang usang adlaw, apan walay kwenta ang mga adlaw nga wala ta sa kabubut-on sa Dios; walay tawong gipatrabaho sa Dios sa gawas sa gingharian sa Dios (Mat. 20:6-7); natagbaw si Nabucodonosor sa kaugalingon niyang buhat (Dan. 4:30, 37)—kini ang prinsipyo sa Babilonia.
- H. Apan, salamat sa Ginoo sa Iyang pulong sa paglipay, ang mga pulong sa Joel 2:25—iuli kanato ang mga tuig nga gikaon sa mga dulon; kon usikan nato ang atong mga adlaw, sama tingalig usang adlaw ang napulo ka tuig, apan kon bawion nato ang panahon, sama tingalig napulo ka tuig ang usang adlaw.
- I. Niingon ang Salmo 90:12 nga, “Tudloi mi sa pag-ihap sa among mga adlaw, / Aron makabaton mig kasingkasing sa kaalam,” ug niingon ang 84:10 nga, “Ang usa ka adlaw sa

Imong mga sawang labi pang maayo kaysa usa ka libo”; wala kwentaha sa usa ka tuyok nga 24-oras ang mga adlaw sa langit; lahi ang kinuwentahan sa Dios sa mga adlaw.

VII. Ang paagi nga magmalagsik karon pagsanong man sa tawag sa Ginoo nga mahimong mananaog; lagsik nga tawo ang mananaog, ug ang lagsik nga tawo (tawong buhi ug aktibo) tawo nga nag-ampo—119:88, 159; Dan. 11:32:

- A. Ang tuyo nato sa pagporma sa bag-ong mga grupo aron man duna tay mga grupo sa mga mananaog; mao nga ginganlag “lagsik nga mga grupo” ang mga grupo; ang full-time training alang sab sa pagpalugwag mga mananaog, ang mga desperado gyong makadaog sa pagkapatay sa Sardis (Bug. 3:1), sa pagkadagaang sa Laodicea (vv. 15-16), ug sa pagkawalay-bunga nga gihisgotan sa Ginoo sa Juan 15 kalabot sa punoan sa paras ug sa mga sanga (vv. 1-8, 16).
- B. Kon buot tang malagsik, kinahanglan duna tay suod, sandurot, ug maayo kaayong pakig-ambitay sa Ginoo ug sa matinguhaong mga balaan; kinahanglan tang giyahan sa Ginoo ngadto sa pila ka kauban, nga ikauban nato sa pagpangabudlay, maingon nga dunay tulo ka kauban si Daniel—Dan. 1:6.
- C. Diha sa iglesiahonong kinabuhi karon (nga gihulagwayan sa Jerusalem), kinahanglan mahimo tang mga mananaog sa Ginoo (nga gihulagwayan sa Sion); pagkaanaa kini sa panahon sa mga mananaog sumala sa pagtawag sa Ginoo (Bug. 2:7, 11, 17, 26-28; 3:5, 12, 20-21; 21:7); lahi ang maanaa sa iglesiahonong kinabuhi sa mahimong mananaog diha sa iglesiahonong kinabuhi (14:1-5).
- D. Hugot gyod tang mohukom nga mahimong mga mananaog, ang mga tawong gipalagsik; ang mananaog tawo nga nidaog sa bisan unsang nipuli o nisupak ni Cristo—Huk. 5:15-16; 1 Juan 2:18-20, 27.

VIII. Isip mga mananaog karon, kinahanglan masama ta sa mga anak ni Isachar, nga “mga tawong nakasabot sa mga panahon aron mahibalo sila unsay angay buhaton sa Israel” (1 Cron. 12:32); basaha ang maaplikar nga kasinatian ni Brother Lee sa sunod nga pahina.

Sa wala pa ang pagkadasig pag-usab sa Chefoo, sa pagsulong sa mga Hapon sa China ug gihimong labi pa gyod kalisod ang kinabuhi sa China, nga lisod na daan, gisulat ni brother Lee sa iyang personal nga mga sinulat sa Chefoo, sa 1942, kining sulata:

Nag-antos og mga katalagman ang mga tawo sa yuta, ug naglisod ang kaglesihan; dili kini panahon sa tinguha sa kasingkasing sa Dios, kondili panahon sa mga pamaagi sa Dios. Gigamit sa Dios ang Iyang mga pamaagi aron matuman ang gitinguha sa Iyang kasingkasing. Aron mausab ang panahon sa mga pamaagi ug mahimong panahon sa tinguha sa kasingkasing sa Dios, moampo gyod ang tawo sa pag-ampong makausab sa panahon. Ingon niana nga tawo si Daniel.

Nag-antos ang yuta og mga katalagman kay dili man gusto sa Dios ang mga tawo sa yuta ug wala magtagad sa mga buluhaton sa Dios. Busa, kon moampo man ang mga balaan aron matapos ang panahon sa mga katalagman, mosanong gyod sila sa mga gipangayo sa Dios ug magtagad sa Dios ug sa Iyang panginahanglan. O! Mopukaw gyod unta nato kining daghang katalagman karon nga dili na magkinabuhi pa alang sa yuta! O! Tininuod gyod natong ihalad ang atong kaugalingon karon nga mosanong sa mga ipangayo sa Dios alang sa iglesia aron makahigayon ang Dios ug makausabsa panahon sa mga pamaagi ngadto sa panahon sa gitinguha sa Iyang kasingkasing. (*The Collected Works of Witness Lee, 1932–1949, vol. 2, p. 27*)